

قصة قصيرة

المرآة





يا ترى إيه اللي ممكن يخليني مبسوط؟
هل لو ركزت بس في إني أنجح و أكون غني و عندي حاجات كتير ... هل ساعتها هاكون
مبسوط؟

أبونا تادرس يعقوب ملطي ✍

5 دقائق قرأية ⌚

قصص قصيرة (مع مجموعة من القصص الطويلة) 📖



الملخص 📄

فيه واحد كان غني و ناجح و عنده فلوس كتير و حاجات كتير ... لكن في يوم قعد يفكر مع نفسه:

أنا مش حاسس إني مبسوط ... رغم كل الغنى اللي عندي ده, حاسس إن فيه حاجة مهمة
نقصاني ... حاجة جوايا ماقدرش أشتريها و مش عارف أحصل عليها ... و مش عارف حتى إيه
هي؟

صاحبنا ده ماستسلمش لزعله ... قابل راجل حكيم عشان يسأله و يفهم منه ... و اتكلموا مع
بعض



الحكيم

تعالى نبص من الشباك ... قل لي شايف إيه؟



الغني

شايف السما زرقا و جميلة ... و شايف الشارع فيه ناس كتير



الحكيم

طيب بص في المراية الحلوة اللي عندك دي ... قل لي شايف إيه؟



الغني

شايف صورتي بس



الحكيم

هي دي المشكلة ... لو بصيت في القزاز بتاع الشباك ... قزاز شفاف رخيص ...
هاتشوف السما ... الحاجات الحلوة اللي ربنا خلقها ... و إخوانك
لو بصيت في المراية الفضة بتاعتك, مش هاتشوف غير نفسك بس ... و بالتالي
هايكون كل تفكيرك في نفسك بس, مش في ربنا ولا في إخوانك ... و هاتحس إنك
دايماً مسجون و مش قادر تشوف حاجة تانية
لو عايز تنبسط بجد ... ماتهتمش بنفسك بس ... بُص و فُكّر في ربنا و في إخوانك